

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 31 DEC 2021			
Org. Jedin.	Broj	Prilog	Vrijednost
01-GV-09	1807	21	

GRAD SARAJEVO
GRADSKO VIJEĆE
Hamdije Kreševljakovića 3
71000 Sarajevo

Sarajevo, 30.12.2021.

n/r predsjedavajućeg Gradskog vijeća,
gosp. Ademović Jasmin

PREDMET: Zahtjev za zaštitu zakonitosti

Poštovani gospodine Ademović,

Po objavljenom Javnom oglasu za izbor i imenovanje pravobranioca Pravobranilaštav Grada Sarajeva br. 04-GV-02-1065-2/21 od dana 22.09.2021. godine, dana 07.10.2021. godine podnio sam prijavu.

Nakon što je Komisija za izbor i imenovanje nadležna za provođenje navedene oglasne i konkursne procedure utvrdila da je dostavljena prijava uredna i ispunjava sve propisane opće, posebne, kao i poželjne uvjete propisane navedenim Javnim oglasom, to sam pozvan na zakazani intervju za dan 29.10.2021. godine na koji sam i pristupio.

Po okončanju konkursne procedure, kao i nakon provedenih intervjua sa svim kandidatima koji su ispunjavali uslove propisane javnim oglasom, Komisija za izbor i imenovanje je sve prijavljene kandidate rangirala, te rang listu uspješnih dostavila Gradonačelnici Grada Sarajeva u dalju proceduru. Na navedenoj rang list prijavljenih kandidata bio sam drugorangirani.

Uzimajući u obzir prijedlog rang liste Komisije za izbor i imenovanje, Gradonačelnica je Gradskom vijeću dostavila Prijedlog odluke o imenovanju pravobranioca Pravobranilaštva Grada Sarajeva za prvorangiranog, na odlučivanje.

Navedeni Prijedlog odluke o imenovanju pravobranioca Pravobranilaštva Grada Sarajevo bio je na dnevnom redu sjednice Gradskog vijeća zakazane za dan 01.12.2021. godine, pod tačkom 8. dnevnog reda.

Nakon diskusije po navedenoj tački dnevnog reda, Gradski vijećnici su pristupili glasanju po istoj, te konačno Prijedlog odluke o imenovanju pravobranioca Pravobranilaštva Grada Sarajeva Hodžić Destana nije usvojen.

U toku dugotrajne diskusije po navedenoj tački dnevnog reda, iznoseni su brojni zaključci radi daljeg postupanja u svrhu imenovanja pravobranioca Pravobranilaštva Grada Sarajeva, a neki od prijedloga su i poništavanje konkursne procedure, donošenje nove Odluka o kriterijima za izbor pravobranioca, te raspisivanje novog konkursa za izbor pravobranioca Pravobranilaštva Grada

Sarajeva u skladu sa novom Odlukom.

Na održanom kolegiju dana 02.12.2021. godine odlučeno je da se ide u smjeru poništenja konkursne procedure, usvajanja nove Odluke o kriterijima za izbor pravobranioca, i raspisivanje novog javnog oglasa za izbor pravobranioca Pravobranilaštva Grada Sarajeva.

Prije svega napominjem da prilikom glasanja o bilo kojem pitanju, odnosno tački dnevnog reda sjednice Gradski vijećnici su slobodni pri glasanju, a sve u skladu sa svojim stavovima, uvjerenjima i ličnom diskrecionom ocjenom, te niti jednu odluku prilikom glasanja (ZA, PROTIV, UZDRŽAN) ili kada uopće ne glasaju po nekoj tački dnevnog reda Gradski vijećnici nisu dužni obrazložiti.

Budući da prijedlog Odluke o imenovanju pravobranioca Pravobranilaštva Grada Sarajeva kojom je predložen prvoplasirani na rang list Destan Hodžić nije dobio potrebnu većinu glasova u Gradskom vijeću, to isti nije niti izabran po Prijedlogu odluke o imenovanju pravobranioca Pravobranilaštva Grada Sarajeva, te se odlučivanje po prijavi istog može smatrati konačnim.

Nadalje ističemo da je predloženo rješavanje po predmetnom javnom pozivu-konkursu, odnosno poništavanje istog nije u skladu sa odredbama Zakona o ministarskim, vladinim i drugim imenovanjima, u skladu sa kojim Zakonom je predmetni javni oglas-konkurs i objavljen.

Obredbama člana 12. stav 3. navedenog Zakona o ministarskim, vladinim i drugim imenovanjima je definisano da „...Ukoliko se ne može izvršiti konačno imenovanje kandidata koji je prvi na listi zbog bilo kojih razloga...kandidati koji su rangirani kao slijedeći na listi s užim izborom bit će razmatrani za imenovanje.“

Obzirom da gradski vijećnici prilikom glasanja po Prijedlogu odluke o imenovanju pravobranioca Pravobranilaštva Grada Sarajeva Destana Hodžića, isti nisu usvojili, te isti u zakonito provedenom postupku izbora-glasanju Gradskog vijeća nije izabran, to sukladno navedenim odredbama člana 12. stav 3. ima se razmatrati imenovanje slijedeće rangiranog na rang list, u konkretnom slučaju drugoplasiranog kandidata-Jusufbegović Admira.

Obzirom na sve prednje navedeno, predlažem postupanje u skladu sa gore navedenim, a koje je u cijelosti u skladu sa odredbama Zakona o ministarskim, vladinim i drugim imenovanjima, odnosno predlažem da se na slijedećoj sjednici gradskog vijeća glasa o Prijedlogu odluke o imenovanju pravobranioca Pravobranilaštva Grada Sarajeva drugorangiranog kandidata Jusufbegović Admira.

U očekivanju Vašeg postupanja u skladu sa gore navedenim, a koje je u cijelosti pravilno i zakonito.

S poštovanjem,
Admir Jusufbegović